



Broj: 02-04.1-295/22
Brčko, 04.04.2022. godine

Na osnovu člana 12. Zakona o Direkciji za finansije Brčko distrikta Bosne i Hercegovine (Sl. glasnik Brčko distrikta BiH broj: 19/07, 35/17 i 3/019), a u skladu sa članom 5. Zakona o poreskoj upravi Brčko distrikta Bosne i Hercegovine (Sl. glasnik Brčko distrikta BiH, broj: 11/20), direktor Direkcije za finansije, na osnovu prijedloga Poreske uprave, daje sljedeće:

M i š l j e n j e

Poreski obveznik [REDACTED], obratio se Direkciji za finansije zahtjevom za mišljenje, koji je zaprimljen 21.03.2022. godine i evidentiran od strane ovog Organa pod brojem: 02-04.1-295/22.

U Vašem aktu postavili ste pitanja:

Ukoliko se nagradna igra priređuje na teritoriji Federacije BiH i na teritoriji Brčko distrikta BiH (s pravom učešća svih osoba koje imaju prebivalište na teritoriji BiH), a mehanizam nagradne igre podrazumijeva da učesnici za učešće u nagradnoj igri prilažu račun/e za kupljenu robu u određenoj vrijednosti izdat/e u maloprodajnim objektima trgovinskog lanca koji je registrovan i posluje na teritoriji Federacije BiH i Brčko distrikta:

- *Da li je nužno imati dva odvojena nagradna fonda (jedan za Federaciju BiH, a drugi za Brčko distrikt BiH)?*
- *Ili je moguće imati jedan zajednički fond nagrada koji bi se komunicirao u Pravilima nagradne igre za Federaciju BiH i u Pravilima nagradne igre za Brčko distrikt BiH, na osnovu kojeg bi se na kraju izvlačili dobitni računi koji su prikupljeni tj. Izdati na obje teritorije?*

Na osnovu člana 10. Zakona o igrama na sreću i zabavnim igrama Brčko distrikta BiH (Sl. glasnik Brčko distrikta BiH 37/04 i 19/07) nagradni konkurs i nagradne igre koje priređuju pravna lica u cilju propagande, u smislu ovog zakona mogu se organizovati pod uslovom da se učešće u igri ne naplaćuje posebno, da se nagrade isplaćuju u proizvodima ili uslugama i da se pravila igre, uz prethodno odobrenje Poreske uprave, objave u dnevnoj štampi.


Na osnovu Odluke o provođenju zakona o igrama na sreću i zabavnim igrama član 8., stav 4) definiše da fond nagrada utvrđuje se po tržišnim cijenama proizvoda i usluga i iste se ne mogu zamijeniti za novac. Ukupna vrijednost po tržišnim cijenama ne može biti veća od 200.000,00 KM po jednoj nagradnoj igri.

Dakle, shodno navedenom, neophodno je da imate odobrenje i da donesete pravila igra za obje jurisdikcije, odnosno za Federaciju BiH i za Brčko distrikt BiH. U pravilima igre neophodno je da definišite da postoji jedan nagradni fond u kojem će učestvovati igrači nagradne igre iz entiteta Federacija BiH, kao i Brčko distrikta BiH.

S poštovanjem.

Dostavljeno:

1. Naslovu
2. Evidenciji
3. Arhivi



Direktor Direkcije za finansije

Mato Lučić, dipl. ecc